

## **2009 Rhif 793 (Cy.71 )**

### **BWYD, CYMRU**

#### **Rheoliadau Wyau a Chywion (Cymru) 2009**

##### **NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn dirymu ac yn ailddeddfu, gydag addasiadau, Reoliadau Wyau (Safonau Marchnata) 1995 (O.S. 1995/1544) i'r graddau y maent yn gymwys o ran Cymru.

Gwnaeth Rheoliadau 1995, fel y'u diwygiwyd, ddarpariaeth ar gyfer gorfodi darpariaethau penodol yn Rheoliad y Cyngor (EEC) Rhif 2782/75 (OJ Rhif L282, 1.11.1975, t.100) ar gynhyrchu a marchnata wyau deor a chywion dofednod buarth fferm a Rheoliad y Comisiwn (EEC) Rhif 1868/77 (OJ Rhif L209, 17.8.1977, t.1) sy'n gosod rheolau manwl ar gyfer cymhwyso Rheoliad (EEC) Rhif 2782/75. Gwnaethant ddarpariaeth hefyd ar gyfer gorfodi darpariaethau penodol yn Rheoliad y Cyngor (EEC) Rhif 1907/90 (OJ Rhif L173, 6.7.1990, t.5) ar safonau marchnata penodol ar gyfer wyau a Rheoliad y Comisiwn (EC) Rhif 2295/2003 (OJ Rhif L340, 24.12.2003, t.16) sy'n cyflwyno rheolau manwl ar gyfer gweithredu Rheoliad y Cyngor (EEC) Rhif 1907/90.

Dirymwyd Rheoliad y Cyngor (EEC) Rhif 1907/90 a Rheoliad y Comisiwn (EC) Rhif 2295/2003 a'u disodli gan Reoliad y Cyngor (EC) Rhif 1028/2006 (OJ Rhif L186, 7.7.2006, t.1) a Rheoliad y Comisiwn (EC) Rhif 557/2007 (OJ Rhif L132, 24.5.2007, t.5).

Diddymwyd Rheoliad (EEC) Rhif 2782/75 a Rheoliad y Cyngor (EC) Rhif 1028/2006 gan y Rheoliad Sengl CMO. Diddymwyd Rheoliad y Comisiwn (EEC) Rhif 1868/77 gan Reoliad y Comisiwn (EC) Rhif 617/2008 a diddymwyd Rheoliad y Comisiwn (EC) Rhif 557/2007 gan Reoliad y Comisiwn (EC) Rhif 589/2008. O ran wyau i'w deor a chywion ac wyau eraill, cymerwyd lle Rheoliadau'r CE a ddiddymwyd gan ddarpariaethau penodol yn y Rheoliad Sengl CMO, gan gynnwys y rheini yn Rhannau A ac C o

Atodiad XIV i'r Rheoliad, a chan Reoliadau'r Comisiwn (EC) Rhif 617/2008 (wyau i'w deor a chywion) a 589/2008 (wyau eraill).

Mae'r Rheoliadau hyn yn gwneud darpariaeth ar gyfer gorfodi darpariaethau penodol yn y Rheoliad Sengl CMO i'r graddau y maent yn ymwneud ag wyau i'w deor a chywion dofednod buarth fferm ac wyau eraill, fel y'i diwygir o bryd i'w gilydd, Rheoliad y Comisiwn (EC) Rhif 617/2008, fel y'i diwygir o bryd i'w gilydd, a Rheoliad y Comisiwn (EC) Rhif 589/2008 fel y'i mabwysiadwyd ar 23 Mehefin 2008.

Mae'r Rheoliadau hyn yn cynnwys darpariaethau —

- (a) sy'n gwneud y methiant i gydymffurfio â darpariaethau'r Rheoliad Sengl CMO a Rheoliad y Comisiwn (EC) Rhif 617/2008 a grybwyllir yn Atodlen 2 yn dramgwydd (rheoliad 4);
- (b) sy'n ymwneud â chofrestru sefydliadau bridio pedigri, sefydliadau bridio eraill a deorfeydd (rheoliad 5);
- (c) sy'n darparu eithriad rhag Erthygl 3(2) o Reoliad y Comisiwn (EC) Rhif 617/2008 drwy ganiatáu i wyau deor gael eu marcio mewn dull gwahanol i'r dull a bennir yn y ddarpariaeth honno (rheoliad 6);
- (ch) sy'n gwneud y methiant i gydymffurfio â darpariaethau'r Rheoliad Sengl CMO a Rheoliad y Comisiwn (EC) Rhif 589/2008 a grybwyllir yn Atodlen 3 yn dramgwydd (rheoliad 7);
- (d) sy'n ymwneud ag awdurdodi canolfannau pecynnu i raddio wyau (rheoliad 8);
- (dd) sy'n creu eithriad rhag darpariaethau pwyntiau III(1) a (3) o Ran A o Atodiad XIV i'r Rheoliad Sengl CMO o ran marcio wyau bwyta (rheoliad 9);
- (e) sy'n amrywio'r gofynion sylfaenol ar gyfer marchnata wyau fel wyau buarth drwy awdurdodi pori da byw ar libartau awyr agored ar gyfer ieir sy'n cynhyrchu'r cyfryw wyau (rheoliad 10);
- (f) sy'n darparu eithriad rhag darpariaethau Rheoliad y Comisiwn (EC) Rhif 589/2008, drwy ganiatáu i wyau gael eu marchnata fel wyau buarth er nad yw'r holl ofynion a osodir yn y Rheoliad hwnnw ar gyfer wyau buarth wedi eu bodloni (rheoliad 11);
- (ff) sy'n darparu eithriad rhag darpariaethau Rheoliad y Comisiwn (EC) Rhif 589/2008, drwy ganiatáu i wyau gael eu marchnata fel wyau sgubor er nad yw'r holl ofynion a osodir yn y Rheoliad hwnnw ar gyfer wyau sgubor wedi eu bodloni (rheoliad 12);

(g) sy'n darparu hawl i apelio yn erbyn penderfyniadau penodol a wneir gan Weinidogion Cymru a swyddogion awdurdodedig (rheoliad 18); a

(ng) sy'n creu cosb am dramgwyddau o dan y Rheoliadau (rheoliad 19).

Ni pharatowyd asesiad effaith rheoleiddiol ar gyfer yr offeryn hwn, gan na fydd yn effeithio ar gostau busnes, elusennau na'r sector gwirfoddol.

## 2009 Rhif 793 (Cy.71)

### BWYD, CYMRU

#### Rheoliadau Wyau a Chywion (Cymru) 2009

*Gwnaed* 25 Mawrth 2009

*Gosodwyd gerbron Cynulliad Cenedlaethol  
Cymru*

27 Mawrth 2009

*Yn dod i rym* 17 Ebrill 2009

### CYNNWYS

#### RHAN 1

##### Cyffredinol

1. Enwi, cychwyn a chymhwyso
2. Dirymu
3. Dehongli

#### RHAN 2

##### Wyau deor a chywion

4. Cydymffurfio â darpariaethau Cymunedol
5. Cofrestru sefydliadau bridio pedigri, sefydliadau bridio a deorfeydd
6. Rhanddirymu mewn perthynas â marcio wyau deor

#### RHAN 3

##### Wyau yn eu plisgyn ar gyfer eu bwyta

7. Cydymffurfio â darpariaethau Cymunedol
8. Awdurdodi canolfannau pecynnu i raddio wyau
9. Rhanddirymiadau sy'n ymwneud â marcio wyau
10. Pori da byw ar libartau awyr agored
11. Rhanddirymiadau sy'n ymwneud ag wyau buarth

12. Rhanddirymiadau sy'n ymwneud ag wyau sgubor

#### RHAN 4

##### Amrywiol Ddarpariaethau

13. Pwerau swyddogion awdurdodedig
14. Gofynion cadw cofnodion
15. Rhwystro
16. Gorfodi
17. Dyletswydd i roi cymorth a darparu gwybodaeth
18. Apelau
19. Cosb
20. Cyfnod estynedig ar gyfer dwyn erlyniad
21. Cymhwyso amrywiol ddarpariaethau'r Ddeddf
22. Darpariaeth drosiannol

-

ATODLEN 1— DIRYMIADAU

ATODLEN 2— DARPARIAETHAU  
CYMUNEDOL YN  
YMWNEUD AG  
WYAU DEOR A  
CHYWION Y MAE  
METHIANT I  
GYDYMFFURFIO Â  
HWY YN  
DRAMGWYDD

RHAN 1— DARPARIAETHAU'R  
RHEOLIAD SENGL  
CMO

RHAN 2— DARPARIAETHAU  
RHEOLIAD Y  
COMISIWN (EC) Rhif  
617/2008

ATODLEN 3 — DARPARIAETHAU  
CYMUNEDOL YN  
YMWNEUD AG  
WYAU YN EU  
PLISGYN I'W  
BWYTA Y MAE  
METHIANT I  
GYDYMFFURFIO  
Â HWY YN  
DRAMGWYDD

RHAN 1 — DARPARIAETHAU'R  
RHEOLIAD SENGL CMO

RHAN 2 — DARPARIAETHAU  
RHEOLIAD Y  
COMISIWN (EC)  
RHIF 589/2008

Mae Gweinidogion Cymru wedi'u dynodi(1) at ddibenion adran 2(2) o Ddeddf y Cymunedau Ewropeaidd 1972(2) o ran polisi amaethyddol cyffredin y Gymuned Ewropeaidd.

Mae'r Rheoliadau hyn yn gwneud darpariaeth ar gyfer diben a grybwyllir yn adran 2(2) o Ddeddf y Cymunedau Ewropeaidd 1972, ac mae'n ymddangos i Weinidogion Cymru ei bod yn hwylus i unrhyw gyfeiriad at y Rheoliadau canlynol gael eu dehongli fel cyfeiriadau at y Rheoliadau hynny fel y'u diwygir o bryd i'w gilydd:

(a) Rheoliad y Cyngor (EC) Rhif 1234/2007 sy'n sefydlu trefniadaeth gyffredin o farchnadoedd amaethyddol ac sy'n gosod darpariaethau penodol ar gyfer cynhyrchion amaethyddol penodol (y Rheoliad Sengl CMO); a

(b) Rheoliad y Comisiwn (EC) Rhif 617/2008 sy'n gosod rheolau manwl ar gyfer gweithredu Rheoliad (EC) Rhif 1234/2007 o ran safonau marchnata ar gyfer wyau deor a chywion dofednod buarth fferm.

I'r graddau y gwneir y Rheoliadau hyn wrth arfer pwerau o dan Ddeddf Diogelwch Bwyd 1990(3), mae Gweinidogion Cymru wedi rhoi sylw i gyngor perthnasol a roddwyd gan yr Asiantaeth Safonau Bwyd fel sy'n ofynnol gan adran 48(4A)(4) o'r Ddeddf honno.

Bu ymgynghori agored a thryloyw yn ystod paratoi'r Rheoliadau canlynol yn unol â gofynion Erthygl 9 o Reoliad (EC) Rhif 178/2002 Senedd Ewrop a'r Cyngor(5) sy'n gosod egwyddorion a gofynion

- 
- (1) O.S. 2005/2766. Yn rhinwedd adrannau 59 a 162 a pharagraffau 28 a 30 o Atodlen 11 i Ddeddf Llywodraeth Cymru 2006 (p.32), mae swyddogaethau a roddwyd i Gynulliad Cenedlaethol Cymru o dan y dynodiad hwn yn arferadwy gan Weinidogion Cymru.
  - (2) 1972 p.68.
  - (3) 1990 p.16. Trosglwyddodd O.S. 1999/672 swyddogaethau perthnasol y Gweinidog o dan y Ddeddf hon i Gynulliad Cenedlaethol Cymru. Yn rhinwedd adran 162 o Ddeddf Llywodraeth Cymru 2006 ac Atodlen 11 iddi, mae'r swyddogaethau hyn bellach yn arferadwy gan Weinidogion Cymru.
  - (4) Mewnswydd adran 48(4A) gan baragraffau 7 a 21 o Atodlen 5 i Ddeddf Safonau Bwyd 1999 (p.28).
  - (5) OJ Rhif L31, 1.2.2002, t.1, a ddiwygiwyd ddiwethaf gan Reoliad y Comisiwn (EC) Rhif 575/2006 (OJ Rhif L100, 8.4.2006, t.3).

cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd.

Yn unol â hyn, mae Gweinidogion Cymru yn gwneud y Rheoliadau a ganlyn wrth arfer y pwerau a roddwyd gan adran 2(2) o Ddeddf y Cymunedau Ewropeaidd 1972 a pharagraff 1A(1) o Atodlen 2 iddi; ac adrannau 6(4)(2), 16(1)(3), 17(4), 26(2) a (3)(5) a 48(1)(6) o Ddeddf Diogelwch Bwyd 1990 ac a freiniwyd bellach yng Ngweinidogion Cymru(7).

## RHAN 1

### Cyffredinol

#### Enwi, cychwyn a chymhwysio

1.—(1) Enw'r Rheoliadau hyn yw Rheoliadau Wyau a Chywion (Cymru) 2009.

(2) Daw'r Rheoliadau hyn i rym ar 17 Ebrill 2009.

(3) Mae'r Rheoliadau hyn yn gymwys o ran Cymru.

(4) Mae'r Rheoliadau hyn yn gymwys—

(a) i wyau deor a chywion y mae pwynt I(1) o Ran C o Atodiad XIV i'r Rheoliad Sengl CMO a Rheoliad y Comisiwn (EC) Rhif 617/2008 yn gymwys; a

(b) i wyau y mae pwynt I(1) o Ran A o Atodiad XIV i'r Rheoliad Sengl CMO a Rheoliad y Comisiwn (EC) Rhif 589/2008 yn gymwys (wyau yn eu plisgyn a gynhyrchir gan ieir o'r rhywogaeth *Gallus gallus* ar gyfer eu bwyta).

(5) Nid yw'r Rheoliadau hyn yn gymwys—

- 
- (1) Mewnosodwyd paragraff 1A o Atodlen 2 gan adran 28 o Ddeddf Diwygio Deddfwriaethol a Rheoleiddiol 2006 (p.51).
  - (2) Diwygiwyd adran 6(4) gan baragraff 6 o Atodlen 9 i Ddeddf Dadreoleiddio a Chontractio Allan 1994 (p.40), paragraffau 7, 10(1) a (3) o Atodlen 5, ac Atodlen 6 i Ddeddf Safonau Bwyd 1999, ac Atodlen 2 i O.S. 2002/794.
  - (3) Diwygiwyd adran 16(1) gan baragraffau 7 ac 8 o Atodlen 5 i Ddeddf Safonau Bwyd 1999.
  - (4) Diwygiwyd adran 17 gan baragraffau 7, 8 a 12 o Atodlen 5 i Ddeddf Safonau Bwyd 1999.
  - (5) Diwygiwyd adran 26 gan Atodlen 6 i Ddeddf Safonau Bwyd 1999.
  - (6) Diwygiwyd adran 48(1) gan baragraffau 7 ac 8 o Atodlen 5 i Ddeddf Safonau Bwyd 1999.
  - (7) Mae swyddogaethau “*the Ministers*”, i'r graddau y maent yn arferadwy mewn perthynas â Chymru, bellach yn arferadwy gan Weinidogion Cymru, gan eu bod wedi eu trosglwyddo i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac Atodlen 1 iddo, fel y'u darllenir gydag adran 40(3) o Ddeddf 1999, ac yna wedi eu trosglwyddo i Weinidogion Cymru gan baragraff 30(2)(a) o Atodlen 11 i Ddeddf Llywodraeth Cymru 2006 (p.32).

- (a) i sefydliadau a deorfeydd o'r math a grybwyllir ym mhwynt I(2) o Ran C o Atodiad XIV i'r Rheoliad Sengl CMO.
- (b) i werthu wyau y mae pwynt I(1) o Ran A o Atodiad XIV i'r Rheoliad Sengl CMO a Rheoliad y Comisiwn (EC) Rhif 589/2008 yn gymwys, os gwerthir yr wyau, heb unrhyw raddio yn ôl ansawdd neu bwysau, yn uniongyrchol i'r defnyddiwr terfynol gan y cynhyrchydd —
  - (i) ar y safle cynhyrchu;
  - (ii) gan werthu o dŷ i dŷ yn y rhanbarth cynhyrchu; neu
- (c) ac eithrio i'r graddau y maent yn ymwneud â'r gofyniad a osodir gan bwynt III(3) o Ran A o Atodiad XIV i'r Rheoliad Sengl CMO, i werthu wyau y mae pwynt I(1) o Ran A o Atodiad XIV i'r Rheoliad hwnnw a Rheoliad y Comisiwn (EC) Rhif 589/2008 yn gymwys iddynt, os gwerthir yr wyau gan y cynhyrchydd, heb unrhyw raddio yn ôl ansawdd neu bwysau, yn uniongyrchol i'r defnyddiwr terfynol mewn marchnad gyhoeddus leol yn y rhanbarth cynhyrchu.

(6) Ym mharagraff (5)(b)(ii) ystyr “gwerthu o dŷ i dŷ” (“*door-to-door selling*”) yw gwerthu yn ystod ymweliad digymell gan gynhyrchydd â chartref y defnyddiwr terfynol, neu â chartref person arall, neu â gweithle'r defnyddiwr terfynol.

## Dirymu

2. Dirymir y Rheoliadau a bennir yn Atodlen 1 i'r graddau y maent yn gymwys o ran Cymru.

## Dehongli

3.—(1) Yn y Rheoliadau hyn—

ystyr “awdurdod bwyd” (“*food authority*”) yw cyngor sir neu gyngor bwrdeistref sirol;

ystyr “awdurdod gorfodi” (“*enforcement authority*”) yw awdurdod sy'n arfer swyddogaeth a roddir iddo gan reoliad 16;

mae i “canolfan becynnu” (“*packing centre*”) yr ystyr a roddir i “*packing centre*” gan is-baragraff (q) o ail baragraff Erthygl 1 o Reoliad y Comisiwn (EC) Rhif 589/2008;

ystyr “Cyfarwyddeb y Cyngor 1999/74/EC” (“*Council Directive 1999/74/EC*”) yw

Cyfarwyddeb y Cyngor 1999/74/EC(1) sy'n gosod y safonau gofynnol ar gyfer amddiffyn ieir dodwy;

ystyr "Cyfarwyddeb 2000/13/EC" ("*Directive 2000/13/EC*") yw Cyfarwyddeb 2000/13/EC Senedd Ewrop a'r Cyngor ar gyd-ddynesiad cyfreithiau'r Aelod-wladwriaethau sy'n ymwneud â labelu, cyflwyno a hysbysebu deunydd bwyd;

mae i "cywion" ("*chicks*") yr ystyr a roddir i "*chicks*" gan Erthygl 1(2) o Reoliad y Comisiwn (EC) Rhif 618/2008;

mae i "defnyddiwr terfynol" ("*final consumer*") yr ystyr a roddir i "*final consumer*" gan is-baragraff (r) o ail baragraff Erthygl 1 o Reoliad y Comisiwn (EC) Rhif 589/2008;

mae i "deorfa" ("*hatchery*") yr ystyr a roddir i "*hatchery*" gan Erthygl 1(3)(c) o Reoliad y Comisiwn (EC) Rhif 617/2008;

ystyr "y Ddeddf" ("*the Act*") yw Deddf Diogelwch Bwyd 1990;

ystyr "Rheoliad y Comisiwn (EC) Rhif 589/2008" ("*Commission Regulation (EC) No. 589/2008*") yw Rheoliad y Comisiwn (EC) Rhif 589/2008 sy'n gosod rheolau manwl ar gyfer gweithredu Rheoliad (EC) Rhif 1234/2007 o ran safonau marchnata ar gyfer wyau, fel y'i mabwysiadwyd gan y Comisiwn ar 23 Mehefin 2008;

ystyr "Rheoliad y Comisiwn (EC) Rhif 617/2008" ("*Commission Regulation (EC) No. 617/2008*") yw Rheoliad y Comisiwn (EC) Rhif 617/2008 sy'n gosod rheolau manwl ar gyfer gweithredu Rheoliad (EC) Rhif 1234/2007 o ran safonau marchnata ar gyfer wyau deor a chywion dofednod buarth fferm, fel y'i diwygir o bryd i'w gilydd;

ystyr "y Rheoliad Sengl CMO" ("*Single CMO Regulation*") yw Rheoliad y Cyngor (EC) Rhif 1234/2007 sy'n sefydlu trefniadaeth gyffredin o farchnadoedd amaethyddol ac sy'n gosod darpariaethau penodol ar gyfer cynhyrchion amaethyddol penodol (y Rheoliad Sengl CMO), fel y'i diwygir o bryd i'w gilydd;

mae i "safle cynhyrchu" ("*production site*") yr ystyr a roddir i "*production site*" gan is-baragraff (p) o ail baragraff Erthygl 1 o Reoliad y Comisiwn (EC) Rhif 589/2008;

mae i "sefydliad bridio" ("*breeding establishment*") yr ystyr a roddir i "*breeding establishment*" gan Erthygl 1(3)(b) o Reoliad y Comisiwn (EC) Rhif 617/2008;

---

(1) OJ Rhif L203, 3.8.1999, t.53, a ddiwygiwyd ddiwethaf gan Reoliad y Cyngor (EC) Rhif 806/2003 (OJ Rhif L122, 16.5.2003, t.1).

mae i “sefydliad bridio pedigri” (“*pedigree breeding establishment*”) yr ystyr a roddir i “*pedigree breeding establishment*” gan Erthygl 1(3)(a) o Reoliad y Comisiwn (EC) Rhif 617/2008;

ystyr “swyddog awdurdodedig” (“*authorised officer*”) yw unrhyw berson a awdurdodwyd yn ysgrifenedig gan awdurdod gorfodi i weithredu mewn cysylltiad â materion sy’n codi o dan neu mewn perthynas â’r Ddeddf neu â’r Rheoliadau hyn;

mae i “wyau” (“*eggs*”) yr ystyr sydd i “eggs” yn is-baragraff (k) o ail baragraff Erthygl 1 o Reoliad y Comisiwn (EC) Rhif 589/2008; ac

mae i “wyau deor” (“*eggs for hatching*”) yr ystyr a roddir i “*eggs for hatching*” gan Erthygl 1(1) o Reoliad y Cyngor (EC) Rhif 617/2008.

(2) Mae i unrhyw ymadrodd nas diffinnir ym mharagraff (1), ond a ddefnyddir yn Rhan 2 o’r Rheoliadau hyn neu yn Atodlen 2 iddynt, ac yn Rhan C o Atodiad XIV i’r Rheoliad Sengl CMO ac y defnyddir yr ymadrodd Saesneg sy’n cyfateb iddo yn y Rheoliad Sengl CMO, yr un ystyr yn y darpariaethau hynny yn y Rheoliadau hyn ag sydd i’r ymadrodd Saesneg cyfatebol yn y Rheoliad Sengl CMO.

(3) Mae i unrhyw ymadrodd nas diffinnir ym mharagraff (1), ond a ddefnyddir yn rheoliad 1(5) neu yn Rhan 3 o’r Rheoliadau hyn, neu yn Atodlen 3 iddynt, ac yn Rhan A o Atodiad XIV i’r Rheoliad Sengl CMO neu yn Rheoliad y Comisiwn (EC) Rhif 589/2008 ac y defnyddir yr ymadrodd Saesneg sy’n cyfateb iddo yn y Rheoliadau hynny, yr un ystyr yn y darpariaethau hynny yn y Rheoliadau hyn ag sydd i’r ymadrodd Saesneg cyfatebol yn y Rheoliadau CE hynny lle y’i defnyddir.

(4) Ystyr unrhyw gyfeiriad at fynd yn groes i unrhyw ddarpariaeth a grybwyllir yn Atodlen 2 neu at fethiant i gydymffurfio â hi yw mynd yn groes i’r canlynol neu fethu â chydymffurfio â’r canlynol—

- (a) unrhyw ddarpariaeth yn y Rheoliad Sengl CMO a grybwyllir yng ngholofn 1 yn Rhan 1 o Atodlen 2, fel y’i darllenir gydag unrhyw ddarpariaeth a grybwyllir mewn unrhyw gofnod cyfatebol yng ngholofn 2 yn y Rhan honno; neu
- (b) unrhyw ddarpariaeth yn Rheoliad y Comisiwn (EC) Rhif 617/2007 a grybwyllir yng ngholofn 1 yn Rhan 2 o Atodlen 2, fel y’i darllenir gydag unrhyw ddarpariaeth a grybwyllir mewn unrhyw gofnod cyfatebol yng ngholofn 2 yn y Rhan honno.

(5) Ystyr unrhyw gyfeiriad at fynd yn groes i unrhyw ddarpariaeth a grybwyllir yn Atodlen 3 neu at

fethu â chydymffurfio â hi yw mynd yn groes i'r canlynol neu fethu â chydymffurfio â'r canlynol—

- (a) unrhyw ddarpariaeth yn y Rheoliad Sengl CMO a grybwyllir yng nghlofn 1 yn Rhan 1 o Atodlen 3, fel y'i darllenir gydag unrhyw ddarpariaeth a grybwyllir mewn unrhyw gofnod cyfatebol yng nghlofn 2 yn y Rhan honno; neu
- (b) unrhyw ddarpariaeth yn Rheoliad y Comisiwn (EC) Rhif 589/2008 a grybwyllir yng nghlofn 1 yn Rhan 2 o Atodlen 3, fel y'i darllenir gydag unrhyw ddarpariaeth a grybwyllir mewn unrhyw gofnod cyfatebol yng nghlofn 2 yn y Rhan honno.

## RHAN 2

### Wyau deor a chywion

#### **Cydymffurfio â darpariaethau Cymunedol**

4. Mae person yn euog o dramgwydd os yw'r person hwnnw'n mynd yn groes i unrhyw ddarpariaeth a grybwyllir yn Atodlen 2, neu'n methu â chydymffurfio â hi.

#### **Cofrestru sefydliadau bridio pedigri, sefydliadau bridio a deorfeydd**

5.—(1) Dynodir Gweinidogion Cymru yn awdurdod cymwys at ddiben Erthygl 2(1) o Reoliad y Comisiwn (EC) Rhif 617/2008 (cofrestru sefydliadau bridio pedigri, sefydliadau bridio eraill a deorfeydd).

(2) Os gwneir cais i Weinidogion Cymru yn unol ag Erthygl 2(1) o Reoliad y Comisiwn (EC) Rhif 617/2008, rhaid iddynt hysbysu'r ceisydd o fewn 28 o ddiwrnodau o'r materion a bennir ym mharagraff (3).

(3) Dyma'r materion—

- (a) penderfyniad Gweinidogion Cymru ar y cais;
- (b) y rhesymau dros wrthod caniatáu'r cais; ac
- (c) yn achos gwrthod caniatáu'r cais, yr hawl i apelio a roddir gan reoliad 18.

(4) Os nad yw Gweinidogion Cymru'n fodlon y dylid caniatáu cais, cânt (yn lle gwrthod y cais) hysbysu'r ceisydd o'r rheswm dros hyn, ac—

- (a) os nad yw Gweinidogion Cymru'n fodlon bod digon o ddata wedi ei ddarparu i gefnogi'r cais, cânt ofyn i'r ceisydd ddarparu rhagor o ddata;
- (b) os nad yw Gweinidogion Cymru'n fodlon y cydymffurfir ar ôl cofrestru'r sefydliad hwnnw â'r holl ddarpariaethau a grybwyllir

yn Atodlen 2 ac sy'n berthnasol i'r math o sefydliad sydd i'w gofrestru, cânt ofyn i'r ceisydd gymryd camau i sicrhau y cydymffurfir â'r darpariaethau hynny; ac

- (c) caiff Gweinidogion Cymru roi cyfle i'r ceisydd ddarparu ar eu cyfer esboniadau llafar neu ysgrifenedig mewn cysylltiad â'r cais.

(5) Os bydd Gweinidogion Cymru'n penderfynu tynnu'n ôl gofrestriad sefydliad bridio pedigri, sefydliad bridio arall neu ddeorfa oherwydd i'r sefydliad neu'r ddeorfa fynd yn groes i unrhyw ddarpariaeth a grybwyllir yn Atodlen 2, neu iddo neu iddi fethu â chydymffurfio â'r ddarpariaeth honno, rhaid iddynt, o fewn 28 o ddiwrnodau, hysbysu'r person sy'n rhedeg busnes yn y sefydliad o dan sylw ("y gweithredydd") o'r materion a bennir ym mharagraff (6).

(6) Dyma'r materion—

- (a) penderfyniad Gweinidogion Cymru i dynnu'n ôl y cofrestriad;
- (b) y dyddiad y mae tynnu'n ôl y cofrestriad i fod yn effeithiol;
- (c) y rhesymau dros dynnu'n ôl y cofrestriad; ac
- (ch) yr hawl i apelio a roddir gan reoliad 18.

(7) Os bydd Gweinidogion Cymru â'u bryd ar dynnu'n ôl gofrestriad sefydliad bridio pedigri, sefydliad bridio arall neu ddeorfa oherwydd i'r sefydliad neu'r ddeorfa fynd yn groes i unrhyw ddarpariaeth a grybwyllir yn Atodlen 2 neu iddo neu iddi fethu â chydymffurfio â hi, (yn lle tynnu'n ôl y cofrestriad) cânt hysbysu'r gweithredydd eu bod â'u bryd ar dynnu'n ôl y cofrestriad, a rhoi iddo'r rhesymau dros wneud hyn, ac—

- (a) os bydd y sefydliad neu'r ddeorfa'n parhau i fynd yn groes i unrhyw ddarpariaeth a grybwyllir yn Atodlen 2, neu'n parhau i fethu â chydymffurfio â'r cyfryw ddarpariaeth, cânt ofyn i'r gweithredydd gymryd camau i sicrhau y cydymffurfir â'r ddarpariaeth honno; a
- (b) cânt roi cyfle i'r gweithredydd ddarparu ar eu cyfer esboniadau llafar neu ysgrifenedig mewn cysylltiad â'r mater.

(8) Os yw Gweinidogion Cymru'n rhoi hysbysiad i geisydd o dan baragraff (4), neu i weithredydd o dan baragraff (7), rhaid i Weinidogion Cymru bennu yn yr hysbysiad derfyn amser erbyn pryd y mae'n rhaid i unrhyw gamau a bennir yn yr hysbysiad gael eu cymryd.

(9) Caniateir i unrhyw derfyn amser a roddir gan Weinidogion Cymru o dan y rheoliad hwn gael ei estyn ar un achlysur neu ar fwy nag un.

(10) Rhaid i unrhyw hysbysiad a roddir gan Weinidogion Cymru o dan y rheoliad hwn fod yn ysgrifenedig.

(11) At ddibenion cyfrifo terfyn y cyfnod o 28 o ddiwrnodau a bennir ym mharagraff (2), bydd y cloc yn cael ei stopio yn ystod unrhyw gyfnod y mae Gweinidogion Cymru yn ei roi i geisydd i gymryd unrhyw gamau a bennir mewn hysbysiad o dan baragraff (4).

### **Rhanddirymu mewn perthynas â marcio wyau deor**

6. Caniateir i wyau deor gael eu marcio mewn dull gwahanol i'r dull a bennir yn Erthygl 3(2) o Reoliad y Comisiwn (EC) Rhif 617/2008 os bydd marcio'r wyau—

- (a) mewn du, yn annileadwy, i'w weld yn glir ac yn o leiaf 10mm<sup>2</sup> ei arwynebedd; a
- (b) yn cael ei wneud cyn iddynt gael eu rhoi yn y deorydd, naill ai yn y sefydliad cynhyrchu neu mewn deorfa.

## **RHAN 3**

Wyau yn eu plisgyn ar gyfer eu bwyta

### **Cydymffurfio â darpariaethau Cymunedol**

7. Mae person yn euog o dramgwydd os yw'r person hwnnw'n mynd yn groes i unrhyw ddarpariaeth a grybwyllir yn Atodlen 3 neu'n methu â chydymffurfio â hi.

### **Awdurdodi canolfannau pecynnu i raddio wyau**

8.—(1) Dynodwyd Gweinidogion Cymru yn awdurdod cymwys at ddiben is-baragraff cyntaf Erthygl 5(2) o Reoliad y Comisiwn (EC) Rhif 589/2008 (awdurdodi ymgymeriadau yn ganolfannau pecynnu i raddio wyau).

(2) Os gwneir cais i Weinidogion Cymru o dan is-baragraff cyntaf Erthygl 5(2) o Reoliad y Comisiwn (EC) Rhif 589/2008 i awdurdodi ymgymeriad yn ganolfan becynnu i raddio wyau, rhaid iddynt hysbysu'r ceisydd o fewn 28 o ddiwrnodau o'r materion a bennir ym mharagraff (3).

(3) Dyma'r materion—

- (a) penderfyniad Gweinidogion Cymru ar y cais;
- (b) y rhesymau dros wrthod rhoi awdurdodiad; ac

- (c) yn achos gwrthod rhoi awdurdodiad, yr hawl i apelio a roddir gan reoliad 18.

(4) Os nad yw Gweinidogion Cymru'n fodlon y dylid rhoi awdurdodiad, cânt (yn lle gwrthod y cais) hysbysu'r ceisydd o'r rheswm dros hyn, ac

- (a) os nad yw Gweinidogion Cymru'n fodlon bod digon o ddata wedi ei ddarparu i gefnogi'r cais, cânt ofyn i'r ceisydd ddarparu rhagor o ddata;
- (b) os nad yw Gweinidogion Cymru'n fodlon bod yr holl ofynion a geir yn is-baragraff cyntaf Erthygl 5(2) o Reoliad y Cyngor (EC) Rhif 589/2008 ac sy'n berthnasol i'r math o ganolfan becynnu sydd i'w hawdurdodi wedi eu bodloni, cânt ofyn i'r ceisydd gydymffurfio ag unrhyw ofyniad nad yw eto wedi ei fodloni; ac
- (c) caiff Gweinidogion Cymru roi cyfle i'r ceisydd ddarparu ar eu cyfer esboniadau llafar ac ysgrifenedig mewn cysylltiad â'r cais.

(5) Os bydd Gweinidogion Cymru'n penderfynu tynnu'n ôl awdurdodiad canolfan becynnu i raddio wyau oherwydd i'r ganolfan fethu â chydymffurfio ag unrhyw un neu rai o'r darpariaethau a osodir yn is-baragraff cyntaf Erthygl 5(2) o Reoliad y Comisiwn (EC) Rhif 589/2008 rhaid iddynt hysbysu'r person sy'n rhedeg busnes yn y ganolfan becynnu ("y gweithredydd") o'r materion a bennir ym mharagraff (6) o fewn 28 o ddiwrnodau.

(6) Dyma'r materion—

- (a) penderfyniad Gweinidogion Cymru i dynnu'n ôl yr awdurdodiad;
- (b) y dyddiad y mae tynnu'n ôl yr awdurdodiad i fod yn effeithiol;
- (c) y rhesymau dros dynnu'n ôl yr awdurdodiad; ac

(ch) yr hawl i apelio a roddir gan reoliad 18.

(7) Os bydd Gweinidogion Cymru â'u bryd ar dynnu'n ôl awdurdodiad canolfan becynnu i raddio wyau oherwydd i'r ganolfan fethu â chydymffurfio ag unrhyw un neu rai o'r darpariaethau a osodir yn is-baragraff cyntaf Erthygl 5(2) o Reoliad y Comisiwn (EC) Rhif 589/2008, (yn lle tynnu'n ôl yr awdurdodiad) cânt hysbysu'r gweithredydd eu bod â'u bryd ar dynnu'n ôl yr awdurdodiad, a rhoi'r rhesymau dros wneud hyn, ac—

- (a) os bydd y methiant i gydymffurfio ag unrhyw un neu rai o'r gofynion a osodir yn is-baragraff cyntaf Erthygl 5(2) o Reoliad y Comisiwn (EC) Rhif 589/2008 yn parhau, cânt ofyn i'r gweithredydd gymryd camau i

sicrhau y cydymffurfir â'r gofynion hynny;  
a

- (b) caiff Gweinidogion Cymru roi cyfle i'r gweithredydd ddarparu ar eu cyfer esboniadau llafar neu ysgrifenedig mewn cysylltiad â'r mater.

(8) Os yw Gweinidogion Cymru'n rhoi hysbysiad i geisydd o dan baragraff (4) neu i weithredydd o dan baragraff (7), rhaid i Weinidogion Cymru bennu yn yr hysbysiad derfyn amser erbyn pryd y mae'n rhaid i unrhyw gamau a bennir yn yr hysbysiad gael eu cymryd.

(9) Caniateir i unrhyw derfyn amser a roddir gan Weinidogion Cymru o dan y rheoliad hwn gael ei estyn ar un achlysur neu ar fwy nag un.

(10) Rhaid i unrhyw hysbysiad a roddir gan Weinidogion Cymru o dan y rheoliad hwn fod yn ysgrifenedig.

(11) At ddibenion cyfrifo terfyn y cyfnod o 28 o ddiwrnodau a bennir ym mharagraff (2), bydd y cloc yn cael ei stopio yn ystod unrhyw gyfnod y mae Gweinidogion Cymru yn ei roi i geisydd i gymryd unrhyw gamau a bennir mewn hysbysiad o dan baragraff (4).

### **Rhanddirymiadau sy'n ymwneud â marcio wyau**

**9.**—(1) Nid yw'r darpariaethau yn ail is-baragraff pwynt III (1) o Ran A o Atodiad XIV i'r Rheoliad Sengl CMO (sy'n ei gwneud yn ofynnol i wyau dosbarth B gael eu marcio) yn gymwys os yw wyau dosbarth B i'w marchnata yn y Deyrnas Unedig yn unig.

(2) Nid yw'r darpariaethau yn is-baragraff cyntaf pwynt III (3) o Ran A o Atodiad XIV i'r Rheoliad Sengl CMO (sy'n ei gwneud yn ofynnol i wyau a werthir gan gynhyrchydd i ddefnyddiwr terfynol mewn marchnad gyhoeddus leol yn y rhanbarth cynhyrchu gael eu marcio'n unol â phwynt III (1) o Ran A o Atodiad XIV Reoliad y Cyngor) yn gymwys yn achos cynhyrchydd sy'n cadw hyd at 50 o ieir dodwy os nodir enw a chyfeiriad y cynhyrchydd yn y man gwerthu.

### **Pori da byw ar libartau awyr agored**

**10.** At ddiben pwynt 1 yn Atodiad II i Reoliad y Comisiwn (EC) Rhif 589/2008 (sy'n gosod y gofynion sylfaenol y mae angen eu bodloni er mwyn i wyau gael eu marchnata fel wyau buarth), awdurdodir pori da byw ar libartau awyr agored y mae gan ieir dodwy fynediad iddynt.

### **Rhanddirymiadau sy'n ymwneud ag wyau buarth**

**11.**—(1) Trwy rannirymiad o ddarpariaethau pwynt 1 yn Atodiad II i Reoliad y Comisiwn (EC) Rhif 589/2008, caniateir i wyau y mae paragraff (2) yn gymwys iddynt gael eu marchnata fel wyau buarth er iddynt gael eu cynhyrchu mewn system gynhyrchu nad yw'n cydymffurfio ag unrhyw un neu fwy o'r amodau a bennir ym mharagraff (3).

(2) Mae'r paragraff hwn yn gymwys i wyau a gynhyrchir mewn sefydliad a chanddo lai na 350 o ieir dodwy neu sy'n magu ieir dodwy sy'n bridio ar yr adeg pan gynhyrchir yr wyau.

(3) Pennir amodau canlynol Erthygl 4(1) o Gyfarwyddeb y Cyngor 1999/74/EC at ddiben paragraff (1)—

- (a) ail frawddeg pwynt 1(d);
- (b) pwynt 1(e);
- (c) pwynt 2;
- (ch) pwynt 3(a)(i); ac
- (d) pwynt 3(b)(i).

### **Rhanddirymiadau sy'n ymwneud ag wyau sgubor**

**12.**—(1) Trwy rannirymiad o ddarpariaethau pwynt 2 yn Atodiad II i Reoliad y Comisiwn (EC) Rhif 589/2008, caniateir i wyau y mae paragraff (2) yn gymwys iddynt gael eu marchnata fel wyau sgubor er iddynt gael eu cynhyrchu mewn system gynhyrchu nad yw'n cydymffurfio ag unrhyw un neu fwy o'r amodau a bennir ym mharagraff (3).

(2) Mae'r paragraff hwn yn gymwys i wyau a gynhyrchir mewn sefydliad a chanddo lai na 350 o ieir dodwy neu sy'n magu ieir dodwy sy'n bridio ar yr adeg pan gynhyrchir yr wyau.

(3) Pennir amodau canlynol Erthygl 4(1) o Gyfarwyddeb y Cyngor 1999/74/EC at ddiben paragraff (1)—

- (a) ail frawddeg pwynt 1(d);
- (b) pwynt 1(e);
- (c) pwynt 2;
- (ch) pwynt 3(a)(i); ac
- (d) pwynt 3(b)(i).

## **RHAN 4**

### **Amrywiol Ddarpariaethau**

### **Pwerau swyddogion awdurdodedig**

**13.**—(1) Caiff swyddog awdurdodedig gyfarwyddo unrhyw berson i adael y canlynol heb aflonyddu

arnynt, cyhyd ag y byddo'n rhesymol angenrheidiol at ddiben unrhyw archwiliad neu ymchwiliad—

- (a) wyau;
- (b) wyau deor;
- (c) pecynnau neu gynwysyddion eraill ar gyfer wyau, wyau deor neu gywion;
- (ch) labeli neu ddogfennau'n ymwneud ag wyau, wyau deor neu gywion; a
- (d) unrhyw fangre lle y deuir o hyd i unrhyw wyau, wyau deor neu gywion, unrhyw becynnau neu gynwysyddion eraill ar gyfer wyau, wyau deor neu gywion, ac unrhyw labeli neu ddogfennau'n ymwneud â'r cyfryw wyau neu gywion.

(2) Os na fydd archwiliad neu ymchwiliad yn cael ei gynnal ar unwaith ar ôl i gyfarwyddyd gael ei roi o dan baragraff (1), caiff swyddog awdurdodedig roi tâp ynghlwm wrth y pecynnau neu gynwysyddion eraill ar gyfer wyau neu wyau deor sy'n ddarostyngedig i'r cyfarwyddyd hwnnw, neu eu diogelu mewn ffordd arall tra disgwylir yr archwiliad neu'r ymchwiliad.

(3) Caiff swyddog awdurdodedig gyfarwyddo unrhyw berson i sicrhau bod unrhyw-

- (a) wyau;
- (b) wyau deor;
- (c) pecynnau neu gynwysyddion eraill ar gyfer wyau, wyau deor neu gywion; neu
- (ch) labeli neu ddogfennau'n ymwneud ag wyau, wyau deor neu gywion,

nad ydynt yn cydymffurfio mewn unrhyw ffordd â gofynion unrhyw ddarpariaeth a grybwyllir yn Atodlen 2 (o ran wyau deor a chywion) neu 3 (o ran wyau eraill), yn cydymffurfio â'r gofynion hynny cyn iddynt gael eu symud o unrhyw dir, cerbyd neu ôl-gerbyd, ac eithrio fel y byddo swyddog awdurdodedig yn cyfarwyddo'n ysgrifenedig fel arall.

(4) Caiff swyddog awdurdodedig atafaelu unrhyw gyfrifiadur ac offer cysylltiedig at ddiben copïo dogfennau ar yr amod eu bod yn cael eu dychwelyd cyn gynted ag y bo'n ymarferol a, beth bynnag, o fewn 28 o ddiwrnodau.

(5) Os yw swyddog awdurdodedig yn arfer y pŵer o dan baragraff (4), rhaid i'r swyddog awdurdodedig hysbysu'r person a chanddo ofal o'r fangre lle yr atafaelwyd y cyfarpar o'r hawl i apelio a roddir gan reoliad 18.

(6) Ac eithrio fel a ddatgenir ym mharagraff (3), gall unrhyw gyfarwyddyd a roddir gan swyddog awdurdodedig o dan baragraff (1) neu (3) gael ei roi ar lafar neu'n ysgrifenedig ond rhaid i unrhyw gyfarwyddyd a roddir ar lafar gael ei gadarnhau'n

ysgrifenedig cyn gynted ag y bo'n ymarferol a, beth bynnag, o fewn 24 awr.

(7) Rhaid i swyddog awdurdodedig beidio ag arfer y pwerau o dan baragraffau (1) i (4) onid yw'n cyflwyno, os gofynnir iddo wneud hynny, ddogfen a ddilyswyd yn briodol ac sy'n dangos awdurdod y swyddog.

(8) Mae person yn euog o dramgwydd os yw'r person hwnnw—

- (a) heb esgus rhesymol, yn methu â chydymffurfio ag unrhyw ofyniad a osodir ar y person hwnnw gan gyfarwyddyd a roddir gan swyddog awdurdodedig o dan baragraff (1);
- (b) oni chaiff ei awdurdodi'n ysgrifenedig i wneud hynny gan swyddog awdurdodedig, yn ymyrryd ag unrhyw becynnau neu gynwysyddion a ddiogelwyd gan swyddog awdurdodedig o dan baragraff (2); neu
- (c) heb esgus rhesymol, yn methu â chydymffurfio ag unrhyw ofyniad a osodir ar y person hwnnw gan gyfarwyddyd a roddir gan swyddog awdurdodedig o dan baragraff (3).

### **Gofynion cadw cofnodion**

**14.**—(1) Caiff Gweinidogion Cymru gyfarwyddo unrhyw berson sy'n gwneud unrhyw weithgaredd a reoleiddir gan ddarpariaeth a grybwyllir yn Atodlen 2 neu 3 i gydymffurfio ag unrhyw un neu rai o'r gofynion a bennir ym mharagraff (2).

(2) Dyma'r gofynion—

- (a) cadw'r cyfryw gofnodion ag y byddo'n rhesymol i Weinidogion Cymru ofyn amdanynt at ddibenion gorfodi unrhyw ddarpariaeth o'r fath, neu beri eu bod yn cael eu cadw;
- (b) darparu ar gyfer Gweinidogion Cymru y cyfryw wybodaeth sy'n deillio o'r cyfryw gofnodion ag y byddo Gweinidogion Cymru'n gofyn amdani ar yr adegau a bennir yn yr hysbysiad; ac
- (c) cadw'r cyfryw gofnodion am y cyfryw gyfnod ag y byddo'n rhesymol i Weinidogion Cymru ofyn am eu cadw.

(3) Ond rhaid i Weinidogion Cymru beidio â rhoi cyfarwyddyd o dan baragraff (1) onid yw'r cofnodion y mae'r cyfarwyddyd yn ymwneud â hwy o fath a gedwir yn aml gan bersonau sy'n gwneud unrhyw weithgaredd a reoleiddir gan ddarpariaeth a grybwyllir yn Atodlen 2 neu 3 (p'un ai'r person y rhoddir y cyfarwyddyd iddo sy'n eu cadw ai peidio) ac—

- (a) oni roddir y cyfarwyddyd ar neu cyn 17 Hydref 2009 a'i bod yn rhesymol i Weinidogion Cymru amau bod y person y rhoddir y cyfarwyddyd iddo wedi mynd yn groes i unrhyw ddarpariaeth a grybwyllir yn Atodlen 2 neu 3 neu wedi methu â chydymffurfio â'r ddarpariaeth honno ers i'r Rheoliadau hyn ddod i rym;
- (b) oni roddir y cyfarwyddyd ar neu cyn 17 Hydref 2009, onid yw'r person y rhoddir y cyfarwyddyd iddo wedi ei gollfarnu o dramgwydd o dan reoliad 4 neu 7 o'r Rheoliadau hyn ers i'r Rheoliadau hyn ddod i rym, ac onid yw'n rhesymol i Weinidogion Cymru amau bod y person hwnnw, ers iddo gael ei gollfarnu—
  - (i) wedi parhau i fynd yn groes i'r ddarpariaeth a grybwyllir yn Atodlen 2 neu 3 ac y mae'r gollfarn yn ymwneud â hi, neu'n parhau i fethu â chydymffurfio â hi; neu
  - (ii) wedi mynd yn groes i ryw ddarpariaeth arall a grybwyllir yn Atodlen 2 neu 3 neu wedi methu â chydymffurfio â hi;
- (c) oni roddir y cyfarwyddyd ar neu ar ôl 18 Hydref 2009 ac onid yw'n rhesymol i Weinidogion Cymru amau bod y person y rhoddir y cyfarwyddyd iddo wedi mynd yn groes i unrhyw ddarpariaeth a grybwyllir yn Atodlen 2 neu 3 neu wedi methu â chydymffurfio â hi o fewn y cyfnod o chwe mis yn union cyn i'r cyfarwyddyd gael ei roi; neu
- (ch) oni roddir y cyfarwyddyd ar neu ar ôl 18 Hydref 2009, ac onid yw'r person y rhoddir y cyfarwyddyd iddo wedi ei gollfarnu o dramgwydd o dan reoliad 4 neu 7 o'r Rheoliadau hyn o fewn y cyfnod o chwe mis yn union cyn i'r cyfarwyddyd gael ei roi, ac onid yw'n rhesymol i Weinidogion Cymru amau bod y person hwnnw, ers ei gollfarnu —
  - (i) wedi parhau i fynd yn groes i'r ddarpariaeth a grybwyllir yn Atodlen 2 neu 3 ac y mae'r gollfarn yn ymwneud â hi, neu'n parhau i fethu â chydymffurfio â hi; neu
  - (ii) wedi mynd yn groes i ryw ddarpariaeth arall a grybwyllir yn Atodlen 2 neu 3 neu wedi methu â chydymffurfio â hi.

(4) Rhaid i unrhyw gyfarwyddyd a roddir gan Weinidogion Cymru o dan baragraff (1) fod yn ysgrifenedig.

(5) Mae person yn euog o dramgwydd os yw'r person hwnnw, heb esgus rhesymol, yn methu â chydymffurfio ag unrhyw ofyniad a osodir ar y person hwnnw gan gyfarwyddyd a roddir gan Weinidogion Cymru o dan baragraff (1).

## Rhwystro

15.—(1) Mae person yn euog o dramgwydd os yw'r person hwnnw—

- (a) yn fwriadol yn rhwystro swyddog awdurdodedig sy'n gweithredu i roi'r Rheoliadau hyn ar waith;
- (b) heb esgus rhesymol, yn methu â rhoi i swyddog awdurdodedig sy'n gweithredu i roi'r Rheoliadau hyn ar waith unrhyw gymorth neu wybodaeth y mae'n rhesymol iddo neu iddi fod yn ofynnol ar gyfer cyflawni swyddogaethau'r swyddog awdurdodedig o dan y Rheoliadau hyn;
- (c) yn rhoi i swyddog awdurdodedig sy'n gweithredu i roi'r Rheoliadau hyn ar waith unrhyw wybodaeth y mae'r person hwnnw sy'n rhoi'r wybodaeth yn gwybod ei bod yn dwyllodrus neu'n gamarweiniol, neu y dylai'n rhesymol wybod ei bod yn dwyllodrus neu'n gamarweiniol; neu
- (ch) yn methu â dangos cofnod, pan ofynnir iddo wneud hynny gan swyddog awdurdodedig sy'n gweithredu i roi'r Rheoliadau hyn ar waith.

(2) Nid oes dim ym mharagraff (1)(b) i'w ddehongli fel ei bod yn ofynnol i unrhyw berson ateb unrhyw gwestiwn neu roi unrhyw wybodaeth pe byddai'r person hwnnw o wneud hynny'n ei hunan-argyhuddo.

## Gorfodi

16.—(1) Rhaid i bob awdurdod bwyd—

- (a) gorfodi'r darpariaethau a grybwyllir yn Atodlen 3, fel y'i darllenir gyda rheoliad 7, i'r graddau y maent yn ymwneud â—
  - (i) manwerthu wyau o fewn ei ardal; a
  - (ii) gwerthu wyau i arlwywyr mawr yn ei ardal;
- (b) gorfodi darpariaethau rheoliad 13(8)—
  - (i) yn achos cyfarwyddyd a roddir gan swyddog awdurdodedig sydd wedi ei awdurdodi gan yr awdurdod bwyd; a
  - (ii) yn achos pecyn neu gynhwysydd a ddiogelir gan swyddog awdurdodedig a awdurdodir gan yr awdurdod bwyd; ac

- (c) gorfodi darpariaethau rheoliad 15 (1) yn achos rhwystro swyddog awdurdodedig a awdurdodir gan yr awdurdod bwyd.

(2) Caiff Gweinidogion Cymru orfodi'r darpariaethau a grybwyllir yn Atodlen 3, fel y'i darllenir gyda rheoliad 7, i'r graddau y maent yn gymwys i fanwerthu wyau neu werthu wyau i arlwywr mawr.

(3) Rhaid i Weinidogion Cymru—

- (a) gorfodi'r darpariaethau a grybwyllir yn Atodlen 2, fel y'i darllenir gyda rheoliad 4;
- (b) gorfodi'r darpariaethau a grybwyllir yn Atodlen 3, fel y'i darllenir gyda rheoliad 7, i'r graddau nad ydynt yn gymwys i fanwerthu wyau neu werthu wyau i arlwywr mawr;
- (c) gorfodi darpariaethau rheoliad 13(8)—
  - (i) yn achos cyfarwyddyd a roddir gan swyddog awdurdodedig a awdurdodir gan Weinidogion Cymru; ac
  - (ii) yn achos pecyn neu gynhwysydd a ddiogelir gan swyddog awdurdodedig sydd wedi ei awdurdodi gan Weinidogion Cymru;
- (ch) gorfodi darpariaethau rheoliad 14(5); a
- (d) gorfodi darpariaethau rheoliad 15 (1) (a) i (ch) yn achos rhwystro swyddog awdurdodedig sydd wedi ei awdurdodi gan Weinidogion Cymru.

(4) Yn y rheoliad hwn—

mae “gwerthu” (“*sale*”) yn cynnwys meddu ar gynnyrch ar gyfer ei werthu, ei gynnig a'i arddangos ar gyfer ei werthu a hysbysebu ei fod ar werth; ac

ystyr “manwerthu” (“*retail sale*”) yw unrhyw werthu ac eithrio gwerthu'r cynnyrch ar gyfer ei ddefnyddio neu ei ailwerthu wrth fasnachu neu redeg busnes.

### **Dyletswydd i roi cymorth a darparu gwybodaeth**

17. Rhaid i bob awdurdod gorfodi roi'r cyfryw gymorth a'r cyfryw wybodaeth i unrhyw awdurdod gorfodi arall ag y byddo'r awdurdod arall hwnnw'n gofyn yn rhesymol amdano neu amdani at ddiben eu dyletswyddau o dan y Rheoliadau hyn.

### **Apelau**

18.— (1) Caiff unrhyw berson y mae penderfyniad a bennir ym mharagraff (2) yn ei dramgwyddo apelio i lys ynadon yn erbyn y penderfyniad hwnnw.

(2) Mae'r canlynol yn benderfyniad penodedig at ddiben paragraff (1) —

- (a) penderfyniad gan Weinidogion Cymru i wrthod cofrestru sefydliad yn sefydliad bridio pedigri, yn sefydliad bridio arall neu'n ddeorfa o dan Erthygl 2(1) o Reoliad y Comisiwn (EC) Rhif 617/2008, neu i dynnu'n ôl y cyfryw gofrestriad;
- (b) penderfyniad gan Weinidogion Cymru i wrthod awdurdodi ymgymeriad yn ganolfan becynnu i raddio wyau o dan is-baragraff cyntaf Erthygl 5(2) o Reoliad y Comisiwn (EC) Rhif 589/2008, neu i dynnu'n ôl y cyfryw awdurdodiad; ac
- (c) penderfyniad gan swyddog awdurdodedig i atafaelu unrhyw gyfrifiadur neu gyfarpar cysylltiedig o dan reoliad 13(4).

(3) Mae adran 37(3), (5) a (6) o'r Ddeddf yn effeithiol mewn perthynas ag apêl o dan y rheoliad hwn fel y mae'n effeithiol mewn perthynas ag apêl o dan yr adran honno, ond gyda hepgor—

- (a) yn is-adran (3), y geiriau “, or an appeal to such a court for which provision is made by regulations under Part II of this Act,”;
- (b) is-adran (5)(b), a'r gair “or” sy'n dod yn union o'i blaen; ac
- (c) yn is-adran (6)(a), y geiriau “or to the sheriff”.

(4) Nid yw tynnu'n ôl awdurdodiad neu gofrestriad y cyfeirir ato ym mharagraff (2) yn effeithiol hyd oni fydd yr amser ar gyfer apelio yn ei erbyn wedi dod i ben, ac, os cyflwynir apêl, hyd oni waredir yr apêl yn derfynol, hyd oni chaiff ei thynnu'n ôl, neu hyd oni chaiff, yn niffyg erlyniad, ei dileu.

## **Cosb**

**19.** Mae person sy'n euog o dramgwydd a bennir yn rheoliad 4, 7, 13(8), 14(5) neu 15 (1) yn atebol ar gollfarn ddiannod i ddirwy nad yw'n fwy na lefel 5 ar y raddfa safonol.

## **Cyfnod estynedig ar gyfer dwyn erlyniad**

**20.**—(1) Caniateir cychwyn achos am dramgwydd o dan y Rheoliadau hyn o fewn y cyfnod o un flwyddyn o'r dyddiad pryd y daeth tystiolaeth sy'n ddigonol ym marn yr erlynydd i gyfiawnhau dwyn yr achos i sylw'r erlynydd.

(2) Ond nid yw'r cyfryw achos i'w gychwyn yn rhinwedd paragraff (1) fwy na thair blynedd ar ôl i'r tramgwydd gael ei gyflawni.

(3) At ddibenion y rheoliad hwn—

- (a) mae tystysgrif a lofnodwyd gan yr erlynydd neu ar ei ran ac y nodir arni'r dyddiad pryd y daeth tystiolaeth sy'n ddigonol ym marn yr erlynydd i gyfiawnhau dwyn achos i sylw'r erlynydd yn dystiolaeth ddigamsyniol o'r ffaith honno; a
- (b) bernir bod tystysgrif sy'n datgan y mater hwnnw ac yr honnir iddi gael ei llofnodi felly wedi ei llofnodi felly oni cheir prawf i'r gwrthwyneb.

### **Cymhwysio amrywiol ddarpariaethau'r Ddeddf**

**21.**— (1) Mae darpariaethau canlynol y Ddeddf yn gymwys at ddibenion y Rheoliadau hyn gyda'r addasiadau a bennir ym mharagraff (2)—

adran 3 (rhagdybiaethau fod bwyd wedi'i fwriadu ar gyfer ei fwyta gan bobl);

adran 20 (tramgwyddau oherwydd bai person arall);

adran 21(1) (amddiffyniad o ddiwydrwydd dyladwy);

adran 29 (caffael samplau);

adran 30(8) (tystiolaeth ddogfennol);

adran 32(1) i (8)(2) (pwerau mynediad);

adran 36 (tramgwyddau gan gyrff corfforaethol);

adran 36A(3) (tramgwyddau gan bartneriaethau Albanaidd);

adran 44 (amddiffyn swyddogion sy'n gweithredu'n ddidwyll);

adran 46(1) (treuliau swyddogion awdurdodedig); ac

adran 50(4) (cyflwyno dogfennau).

(2) Mae'r addasiadau fel a ganlyn—

- (a) dehongli unrhyw gyfeiriad yn y darpariaethau a bennir ym mharagraff (1) at y Ddeddf (neu at Ran o'r Ddeddf) fel cyfeiriad at y Rheoliadau hyn, a hefyd, mewn perthynas ag adran 32(1)(a), dehongli'r cyfeiriad at "the provisions of this Act" fel cyfeiriad at y darpariaethau a grybwyllir yn Atodlenni 2 a 3;
- (b) dehongli unrhyw gyfeiriad yn y darpariaethau a bennir ym mharagraff (1) at

---

(1) Diwygiwyd adran 21(2) gan O.S. 2004/3279.

(2) Diwygiwyd adran 32 gan baragraff 18 o Atodlen 2 i Ddeddf Cyfiawnder Troseddol a'r Heddlu 2001 (p.16).

(3) Mewnosodwyd adran 36A gan baragraffau 7 ac 16 o Atodlen 5 i Ddeddf Safonau Bwyd 1999.

(4) Diwygiwyd adran 50 gan baragraff 18 o Atodlen 16 i Ddeddf Dadreoleiddio a Chontractio Allan 1994.

swyddog awdurdodedig, neu swyddog i awdurdod gorfodi neu awdurdod bwyd, fel cyfeiriad at swyddog awdurdodedig fel y'i diffinnir yn rheoliad 3 (1) o'r Rheoliadau hyn;

- (c) mewn perthynas ag adran 20, dehongli'r cyfeiriad at yr adran fel pe bai'n cynnwys cyfeiriad at yr adran honno fel y'i cymhwysir i'r Rheoliadau hyn gan baragraff (1);
- (ch) mewn perthynas ag adran 21(2), rhodder yn lle'r geiriau "section 14 or 15 above" y geiriau "these Regulations";
- (d) mewn perthynas ag adran 29-
  - (i) ym mharagraff (b)(ii), dehongli'r cyfeiriad at adran 32 fel pe bai'n cynnwys cyfeiriad at adran 32 fel y'i cymhwysir i'r Rheoliadau hyn gan baragraff (1); a
  - (ii) ym mharagraff (d), hepgorer y geiriau "or of regulations or orders made under it";
- (dd) mewn perthynas ag adran 30(8)(a), hepgorer y geiriau "under subsection (6) above";
- (e) mewn perthynas ag adran 32—
  - (i) yn is-adran (1)(a), hepgorer y geiriau "or of regulations or orders made under it";
  - (ii) yn is-adran (4), dehongli'r cyfeiriad at yr adran fel pe bai'n cynnwys cyfeiriad at yr adran honno fel y'i cymhwysir i'r Rheoliadau hyn gan baragraff (1);
  - (iii) yn is-adran (5), dehongli'r cyfeiriad at yr adran fel pe bai'n cynnwys cyfeiriad at yr adran honno fel y'i cymhwysir i'r Rheoliadau hyn gan baragraff (1) a dehongli'r cyfeiriad at "a food business" fel pe bai'n cynnwys deorfa;
  - (iv) yn is-adran (6)(a), hepgorer y geiriau "or of regulations or orders made under it"; a
  - (v) yn is-adran (7), dehongli'r cyfeiriad at yr adran fel pe bai'n cynnwys cyfeiriad at yr adran honno fel y'i cymhwysir i'r Rheoliadau hyn gan baragraff (1); a
- (f) mewn perthynas ag adran 44, dehongli unrhyw gyfeiriad at awdurdod bwyd fel cyfeiriad at awdurdod gorfodi.

## **Darpariaeth drosiannol**

22. Mae unrhyw awdurdod ysgrifenedig a roddwyd i unrhyw berson i weithredu mewn

materion sy'n deillio o dan neu mewn perthynas â Rheoliadau Wyau (Safonau Marchnata) 1995(1) yn effeithiol fel pe bai'n cyfeirio at y Rheoliadau hyn.

*Elin Jones*

Y Gweinidog dros Faterion Gwledig, un o Weinidogion Cymru

25 Mawrth 2009

---

(1) O.S. 1995/1544, a ddiwygiwyd gan O.S. 1996/1725, 1997/1414, 1998/1665, 2006/1540.

## ATODLEN 1 Rheoliad 2

### DIRYMIADAU

Rheoliadau Wyau (Safonau Marchnata) 1995

Rheoliadau Wyau (Safonau Marchnata) (Diwygio)  
1996(1)

Rheoliadau Wyau (Safonau Marchnata) (Diwygio)  
1997(2)

Rheoliadau Wyau (Safonau Marchnata) (Diwygio)  
1998(3)

Rheoliadau Wyau (Safonau Marchnata) (Diwygio)  
(Cymru a Lloegr) 2006(4)

## ATODLEN 2 Rheoliad 4

DARPARIAETHAU CYMUNEDOL YN  
YMWNEUD AG WYAU DEOR A  
CHYWION Y MAE METHIANT I  
GYDYMFURFIO Â HWY YN  
DRAMGWYDD

### RHAN 1

DARPARIAETHAU'R RHEOLIAD SENGL  
CMO

- 
- (1) O.S. 1996/1725.  
(2) O.S. 1997/1414.  
(3) O.S. 1998/1665.  
(4) O.S. 2006/1540.

Colofn 1	Colofn 2	Colofn 3
Y ddarpariaeth berthnasol yn y Rheoliad Sengl CMO	Darpariaethau i'w darllen gyda darpariaethau'r Rheoliad Sengl CMO a grybwyllir yng ngholofn 1	Y pwnc
Erthygl 113(3) i'r graddau y mae'n ymwneud â marchnata wyau deor a chywion	Rhan C o Atodiad XIV i'r Rheoliad Sengl CMO a Rheoliad y Comisiwn (EC) Rhif 617/2008	Gwaharddiad ar farchnata wyau deor a chywion ac eithrio yn unol â'r safonau marchnata a osodir yn Rhan C o Atodiad XIV i'r Rheoliad Sengl CMO a Rheoliad y Comisiwn (EC) Rhif 617/2008.
Pwynt II(1) o Ran C o Atodiad XIV	Erthygl 3(1) o Reoliad y Comisiwn (EC) Rhif 617/2008	Marcio wyau deor.
Pwynt II(2) o Ran C o Atodiad XIV	Erthygl 3(4) a (5) o Reoliad y Comisiwn (EC) Rhif 617/2008	Cludo a phacio wyau deor.
Pwynt II(3) o Ran C o Atodiad XIV	Erthygl 3(8) o Reoliad y Comisiwn (EC) Rhif 617/2008	Mewnforio pecynnau o wyau deor o drydedd wlad.
Pwynt III(1) o Ran C o Atodiad XIV	Erthygl 4(1) o Reoliad y Comisiwn (EC) Rhif 617/2008	Pacio cywion yn ôl rhywogaeth, math a chategori o ddofednod.
Pwynt III(2) o Ran C o Atodiad XIV	Erthygl 4(2) o Reoliad y Comisiwn (EC) Rhif 617/2008	Cynnwys a marciau bocsus o gywion.
Pwynt III(3) o Ran C o Atodiad XIV	Erthygl 4(1) a (3) o Reoliad y Comisiwn (EC) Rhif 617/2008,	Mewnforio cywion o drydedd wlad.

## RHAN 2

### DARPARIAETHAU RHEOLIAD Y COMISIWN (EC) RHIF 617/2008

Colofn 1	Colofn 2	Colofn 3
Darpariaeth berthnasol Rheoliad y Comisiwn (EC) Rhif 617/2008	Darpariaethau sydd i'w darllen gyda darpariaethau Rheoliad y Comisiwn (EC) Rhif 617/2008 a grybwyllir yng ngholofn 1	Y pwnc
Erthygl 2(1)		Cofrestru sefydliadau bridio pedigri, sefydliadau bridio a deorfeydd.
Erthygl 3(1)	Erthygl 3(2) a (3) o Reoliad y Comisiwn (EC) Rhif 617/2008	Marcio wyau deor fesul un.
Erthygl 3(2)	Erthygl 3(3) a (5) o Reoliad y Comisiwn (EC) Rhif 617/2008 a rheoliad 6	Marcio wyau deor yn y sefydliad cynhyrchu.
Erthygl 3(4)	Erthygl 3(5) a (6) o Reoliad y Comisiwn (EC) Rhif 617/2008 ac Atodiad II iddo	Pacio wyau deor.
Erthygl 3(6)	Erthygl 3(4) a (5) o Reoliad y Comisiwn (EC) Rhif 617/2008	Rhif unigryw'r sefydliad cynhyrchu ar becynnau a chynwysyddion y cludir wyau deor ynddynt.
Erthygl 3(7)	Erthygl 3(1), (2) a (3) o Reoliad	Gwaharddiad ar gludo neu

	y Comisiwn (EC) Rhif 617/2008 a rheoliad 6	fasnachu wyau deor rhwng Aelod-wladwriaethau onid ydynt wedi'u marcio'n gywir.
Erthygl 3(8)		Mewnforio wyau deor
Erthygl 4(1)	Pwynt III (1) o Ran C o Atodiad XIV i'r Rheoliad Sengl CMO ac Erthygl 4(2) o Reoliad y Comisiwn (EC) Rhif 617/2008	Pacio cywion yn ôl rhywogaeth, math a chategori o ddefnod.
Erthygl 4(2)	Pwynt III (2) o Ran C o Atodiad XIV i'r Rheoliad Sengl CMO ac Erthygl 4(1) o Reoliad y Comisiwn (EC) Rhif 617/2008	Cynhwysiad a gofynion marcio sylfaenol ar gyfer pecynnau sy'n cynnwys cywion.
Erthygl 4(3)	Pwynt III (3) o Ran C o Atodiad XIV i'r Rheoliad Sengl CMO ac Erthygl 4(1) o Reoliad y Comisiwn (EC) Rhif 617/2008	Mewnforio cywion o drydydd gwledydd, gan gynnwys cynhwysiad a gofynion marcio sylfaenol ar gyfer pecynnau sy'n cynnwys cywion.
Erthygl 5(1)		Dogfennau sy'n gorfod bod gyda sypiau o wyau deor a chywion.
Erthygl 5(2)	Erthygl 5(1) o Reoliad y Comisiwn (EC) Rhif 617/2008	Gofynion arbennig o ran gwybodaeth sydd i'w darparu o ran dogfennau sy'n gorfod bod gyda sypiau o wyau deor a chywion a fewnforir o drydedd wlad.
Erthygl 6		Cadw cofrestri gan ddeorfeydd.
Erthygl 7		Cyfyngiad ar y defnydd o wyau a dynnwyd o ddeorydd.

Erthygl 8(1)

Ymrwymiad ar  
ddeorfeydd i  
ddarparu  
adroddiadau  
misol.

---

# ATODLEN 3

Rheoliad 7

## DARPARIAETHAU CYMUNEDOL YN YMWNEUD AG WYAU YN EU PLISGYN I'W BWYTA Y MAE METHIANT I GYDYMFFURFIO Â HWY YN DRAMGWYDD

### RHAN 1

#### DARPARIAETHAU'R RHEOLIAD SENGL CMO

Colofn 1	Colofn 2	Colofn 3
Y ddarpariaeth berthnasol yn y Rheoliad Sengl CMO	Darpariaethau i'w darllen gyda darpariaethau'r Rheoliad Sengl CMO a grybwyllir yng ngholofn 1	Y pwnc
Erthygl 113(3) i'r graddau y mae'n ymwneud â marchnata wyau	Rhan A o Atodiad XIV i'r Rheoliad Sengl CMO a Rheoliad y Comisiwn (EC) Rhif 589/2008	Gwaharddiad ar farchnata wyau ac eithrio yn unol â'r safonau marchnata a osodir yn Rhan A o Atodiad XIV i'r Rheoliad Sengl CMO a Rheoliad y Comisiwn (EC) Rhif 589/2008.
Pwynt II(1) o Ran A o Atodiad XIV	Erthygl 2(1) a (4) o Rheoliad y Comisiwn (EC) Rhif 589/2008	Graddio ansawdd.
Pwynt II(2) o Ran A o Atodiad XIV	Erthygl 4(1) o Rheoliad y Comisiwn (EC) Rhif 589/2008	Graddio pwysau wyau dosbarth A.
Pwynt II(3) o Ran A o Atodiad XIV		Gwaharddiad ar gyflenwi wyau dosbarth B ac

		eithrio i'r diwydiant bwyd a diwydiant nad yw'n ddiwydiant bwyd.
Pwynt III(1) o Ran A o Atodiad XIV, yr is-baragraff cyntaf	Pwynt III(3) o Ran A o Atodiad XIV i'r Rheoliad Sengl CMO ac Erthyglau 9(1) ac 11 o Reoliad y Comisiwn (EC) Rhif 589/2008	Marcio wyau dosbarth A.
Pwynt III(1) o Ran A o Atodiad XIV, yr ail is-baragraff	Erthyglau 9, 10 ac 11 o Reoliad y Comisiwn (EC) Rhif 589/2008 a rheoliad 9(1)	Marcio wyau dosbarth B.
Pwynt III(2) o Ran A o Atodiad XIV	Pwynt III(1) o Ran A o Atodiad XIV i'r Rheoliad Sengl CMO	Y man lle caiff wyau eu marcio.
Pwynt III(3) o Ran A o Atodiad XIV, yr is-baragraff cyntaf	Pwynt III(1) o Ran A o Atodiad XIV ac ail is-baragraff pwynt III(3) o Ran A o Atodiad XIV i'r Rheoliad Sengl CMO a rheoliad 9(2)	Marcio wyau a werthir gan gynhyrchydd i'r cwsmer terfynol mewn marchnad gyhoeddus leol.
Pwynt IV(1) o Ran A o Atodiad XIV, y drydedd frawddeg	Erthygl 30(2) o Reoliad y Comisiwn (EC) Rhif 589/2008	Marcio wyau a fewnforir o drydedd wlad os canfyddwyd bod y rheolau a gymhwysir mewn perthynas â'r wyau hynny yn y drydedd wlad o dan sylw yn cynnig digon o warant bod y rheolau'n gyfwerth â deddfwriaeth Gymunedol.
Pwynt IV(3) o Ran A o Atodiad XIV	Erthygl 30(2) o Reoliad y Comisiwn (EC) Rhif 589/2008	Marcio wyau a fewnforir o drydedd wlad os canfyddwyd nad

yw'r rheolau a  
 gymhwysir  
 mewn perthynas  
 â'r wyau  
 hynny'n cynnig  
 digon o warant  
 bod y rheolau'n  
 gyfwerth â  
 deddfwriaeth  
 Gymunedol.

## RHAN 2

### DARPARIAETHAU RHEOLIAD Y COMISIWN (EC) RHIF 589/2008

Colofn 1	Colofn 2	Colofn 3
Darpariaeth berthnasol Rheoliad y Comisiwn (EC) Rhif 589/2008	Darpariaethau sydd i'w darllen gyda darpariaethau Rheoliad y Comisiwn (EC) Rhif 589/2008 a grybwyllir yng ngholofn 1	Y pwnc
Erthygl 2(1)	Pwynt II(1) o Ran A o Atodiad XIV, yr indent cyntaf, i'r Rheoliad Sengl CMO	Nodweddion o ansawdd wyau dosbarth A.
Erthygl 2(2)	Erthygl 3 o Reoliad y Comisiwn (EC) Rhif 589/2008	Gwahardd golchi a glanhau wyau dosbarth A cyn eu graddio neu ar ôl hynny.
Erthygl 2(3)		Gwahardd trin wyau dosbarth A ar gyfer eu cadw ac oeri wyau mewn mangreoedd neu weithfeydd lle y cedwir y tymheredd drwy ddulliau artiffisial yn is na 5°C.
Erthygl 2(4)	Pwynt II(1) o Ran A o Atodiad XIV, yr	Nodweddion o ansawdd wyau dosbarth B.

	ail indent, i'r Rheoliad Sengl CMO	
Erthygl 4(1)	Pwynt II(2) o Ran A o Atodiad XIV i'r Rheoliad Sengl CMO ac Erthygl 4(3) o Reoliad y Comisiwn (EC) Rhif 589/2008	Graddio wyau dosbarth A yn ôl eu pwysau.
Erthygl 4(2)	Erthygl 4(1) o Reoliad y Comisiwn (EC) Rhif 589/2008 a Chyfarwyddeb 2000/13/EC	Dangosiadau graddio yn ôl pwysau.
Erthygl 4(3)	Erthygl 4(1) o Reoliad y Comisiwn (EC) Rhif 589/2008	Isafswm pwysau net mewn gramau a'r dangosiad 'eggs of different sizes' neu dermau cyfwerth i'w gosod ar wyneb allanol pecyn o wyau dosbarth A o wahanol feintiau.
Erthygl 5(1), yr is-baragraff cyntaf		Graddio a phacio wyau a labelu pecynnau yn ôl canolfannau pecynnu.
Erthygl 5(3)		Canolfannau pecynnu i feddu ar y cyfarpar technegol angenrheidiol i sicrhau bod wyau'n cael eu trafod yn briodol.
Erthygl 6(1)		Wyau i'w graddio, i'w marcio ac i'w pecynnu o fewn 10 niwrnod i'w dodwy.
Erthygl 6(2)	Erthygl 14 o Reoliad y Comisiwn (EC) Rhif 589/2008	Wyau dosbarth A a gaiff eu marchnata fel wyau 'extra' neu 'extra fresh'

		i'w graddio, i'w marcio ac i'w pecynnu o fewn pedwar diwrnod i'w dodwy.
Erthygl 6(3)	Erthyglau 12(1)(d) a 13 o Reoliad y Comisiwn (EC) Rhif 589/2008 ac Erthygl 9(2) o Gyfarwyddeb 2000/13/EC	Pecynnau i'w marcio gyda dyddiad isafswm eu parhauster adeg eu pacio.
Erthygl 7(1), yr is-baragraff cyntaf	Erthygl 7(1), yr ail is-baragraff, o Reoliad y Comisiwn (EC) Rhif 589/2008	Cynhyrchwyr i nodi gwybodaeth benodol ar bob deunydd pacio ar gyfer cludo sy'n cynnwys wyau.
Erthygl 7(2), yr is-baragraff cyntaf, y frawddeg gyntaf	Erthygl 7(1), ac Erthygl 7(2), yr ail is-baragraff, o Reoliad y Comisiwn (EC) Rhif 589/2008	Cymhwyso'r wybodaeth a bennir yn Erthygl 7(1) o Reoliad y Comisiwn (EC) Rhif 589/2008 i bob deunydd pacio ar gyfer cludo sy'n cynnwys wyau a chynnwys yr wybodaeth honno mewn dogfennau sy'n mynd gyda'r deunydd pacio.
Erthygl 7(2), yr is-baragraff cyntaf, yr ail frawddeg	Erthygl 7(2), yr is-baragraff cyntaf, y frawddeg gyntaf, a'r ail is-baragraff, o Reoliad y Comisiwn (EC) Rhif 589/2008	Gweithredwyr camau canol y broses i gadw copi o'r dogfennau a bennir ym mrawddeg gyntaf is-baragraff cyntaf Erthygl 7(2) o Reoliad y Comisiwn (EC) Rhif 589/2008.
Erthygl 7(2), yr is-baragraff cyntaf, y drydedd frawddeg	Erthygl 7(2), yr is-baragraff cyntaf, y frawddeg gyntaf, a'r ail is-baragraff, o	Y ganolfan becynnu sy'n graddio wyau y mae'r dogfennau'n ymwneud â hwy

	Reoliad y i gadw Comisiwn (EC) dogfennau Rhif 589/2008 gwreiddiol y cyfeirir atynt ym mrawddeg gyntaf is- baragraff cyntaf Erthygl 7(2) o Reoliad y Comisiwn (EC) Rhif 589/2008.
Erthygl 7(3)	Erthygl 7(1) o Reoliad y addasu neu Comisiwn (EC) symud yr Rhif 589/2008 wybodaeth y cyfeirir ati yn Erthygl 7(1) o Reoliad y Comisiwn (EC) Rhif 589/2008 ar ddeunydd pacio ar gyfer cludo sy'n cynnwys wyau hyd oni symudir yr wyau ar gyfer eu graddio, eu marcio a'u pecynnu yn ddiymdroi.
Erthygl 8(1)	Erthygl 8(2) o Reoliad y gyflenwir o Comisiwn (EC) safle cynhyrchu Rhif 589/2008 i gasglwr, i ganolfan becynnu neu i ddiwydiant nad yw'n ddiwydiant bwyd mewn Aelod- wladwriaeth arall i'w marcio â chod y cynhyrchydd cyn gadael y safle cynhyrchu, ac eithrio pan fo esemptiad wedi ei roi o dan Erthygl 8(2) o Reoliad y Comisiwn (EC) Rhif 589/2008.
Erthygl 8(2), y frawddeg olaf	Copi o'r contract cyflenwi i fynd

		gyda llwyth o wyau y rhoddwyd esemptiad iddo o dan Erthygl 8(2) o Reoliad y Comisiwn (EC) Rhif 589/2008.
Erthygl 8(5)	Pwynt III(1) o Ran A o Atodiad XIV ail is-baragraff, y Rheoliad Sengl CMO, ac Erthygl 10 o Reoliad y Comisiwn (EC) Rhif 598/2008	Marcio wyau dosbarth B i'w marchnata mewn Aelod-wladwriaeth arall.
Erthygl 9(1)	Pwynt 2 o'r Atodiad i Gyfarwyddeb y Comisiwn 2002/4/EC(1) ar gofrestriad sefydliadau sy'n cadw ieir dodwy, a gwmpesir gan Gyfarwyddeb y Cyngor 1999/74/EC	Cod cynhyrchydd.
Erthygl 10	Pwynt III(1) o Ran A o Atodiad XIV yr ail is-baragraff, i'r Rheoliad Sengl CMO	Y dangosiadau ar wyau dosbarth B.
Erthygl 12(1)		Marcio pecynnau o wyau dosbarth A.
Erthygl 12(2), yr is-baragraff cyntaf a'r ail is-baragraff	Erthygl 12(1) o Reoliad y Comisiwn (EC) Rhif 589/2008 a Rhan A o Atodiad I iddo, ac Atodiad II iddo, Erthygl 2 o Reoliad y Cyngor (EEC)	Y dull ffermio i'w ddangos ar wyneb allanol y pecynnau sy'n cynnwys wyau dosbarth A.

---

(1) OJ Rhif L30, 31.1.2002, t.44, a ddiwygiwyd ddiwethaf gan Gyfarwyddeb y Comisiwn 2006/83/EC (OJ Rhif L362, 20.12.2006, t.97).

Rhif 2092/91(1)  
ar gynhyrchu  
cynhyrchion  
amaethyddol yn  
organig a  
dangosiadau  
sy'n cyfeirio at  
hynny ar  
gynhyrchion  
amaethyddol a  
chynhyrchion  
bwyd, a  
rheoliadau 10,  
11 a 12

Erthygl 12(2), y trydydd is-baragraff	Erthygl 9(1) o Reoliad y Comisiwn (EC) Rhif 589/2008	Cod cynhyrchydd i'w egluro ar becynnau neu y tu mewn iddynt.
Erthygl 12(2), y pedwerydd is-baragraff	Rhan B o Atodiad 1 i Reoliad y Comisiwn (EC) Rhif 589/2008 a Phennod III o Gyfarwyddeb y Cyngor 1999/74/EC	Defnyddio dangosiad a restrir yn Rhan B o Atodiad I i Reoliad y Comisiwn (EC) Rhif 589/2008 (caetsus a gyfoethogwyd).
Erthygl 12(4)		Marcio pecynnau o wyau dosbarth B.
Erthygl 13	Erthygl 3(1)(5) o Gyfarwyddeb 2000/13/EC	Dyddiad parhauster lleiaf.
Erthygl 14(1)		Defnyddio'r geiriau 'extra' ac 'extra fresh' fel dangosiad ychwanegol o ran ansawdd ar becynnau'n cynnwys wyau dosbarth A.
Erthygl 14(2)	Erthygl 14(1) o Reoliad y Comisiwn (EC) Rhif 589/2008	Y dyddiad dodwy a'r terfyn amser naw niwrnod a bennir yn Erthygl 14(1) o Reoliad y Comisiwn (EC) Rhif 598/2008 i'w ddangos yn

(1) OJ Rhif L198, 22.7.1991, t.1, a ddiwygiwyd ddiwethaf gan Reoliad y Comisiwn (EC) Rhif 404/2008 (OJ Rhif L120, 7.5.2008, t.8).

		<p>y fan lle y defnyddir y geiriau 'extra' neu 'extra fresh' fel dangosiad ychwanegol o ran ansawdd ar becynnau'n cynnwys wyau dosbarth A.</p>
Erthygl 15		<p>Cyfeiriad at rawnfwyd fel cynhwysyn bwyd anifeiliaid pan roddir dangosiad ynghylch sut y bwydir ieir dodwy.</p>
Erthygl 16		<p>Gwybodaeth i'w rhoi am werthiant wyau heb eu pecynnu.</p>
Erthygl 17		<p>Ansawdd y pecynnau.</p>
Erthygl 18		<p>Cynwysyddion pacio y caiff wyau diwydiannol eu marchnata ynddynt.</p>
Erthygl 19		<p>Ailbecynnu wyau dosbarth A.</p>
Erthygl 20(1)	Erthygl 20(4) o Reoliad y Comisiwn (EC) Rhif 589/2008	<p>Cofnodion cynhyrchydd ar ddulliau ffermio.</p>
Erthygl 20(2)	Erthyglau 15 a 20(4) o Reoliad y Comisiwn (EC) Rhif 589/2008	<p>Cofnodion cynhyrchydd ar fwyd anifeiliaid.</p>
Erthygl 20(3)	Erthygl 20(1) a (2) o Reoliad y Comisiwn (EC) Rhif 589/2008	<p>Gwybodaeth a gofnodir gan gynhyrchwyr o dan Erthygl 20(1) a (2) o Reoliad y Comisiwn (EC) Rhif 589/2008 i'w chofnodi fesul cwt ieir pan fo cynhyrchydd yn</p>

		defnyddio dulliau ffermio gwahanol ar un safle cynhyrchu unigol.
Erthygl 21(1)	Erthygl 21(2) o Reoliad y Comisiwn (EC) Rhif 589/2008	Casglwyr i gofnodi gwybodaeth benodol ar wyau a gesglir ac a gyflenwir ganddynt.
Erthygl 22(1), yr is-baragraff cyntaf	Erthygl 22(3) o Reoliad y Comisiwn (EC) Rhif 589/2008	Cofnodion canolfannau pecynnu.
Erthygl 22(1), yr ail is-baragraff		Canolfannau pecynnu i ddiweddarau eu cofnodion stoc ffisegol bob wythnos.
Erthygl 22(2)	Erthyglau 15 a 22(1) a (3) o Reoliad y Comisiwn (EC) Rhif 589/2008	Canolfannau pecynnu i gadw cofnodion ar wahân pan fo wyau dosbarth A a'u pecynnau'n dwyn dangosiad ynghylch sut y bwydir ieir dodwy.
Erthygl 23	Erthyglau 7(2), 20, 21 a 22 o Reoliad y Comisiwn (EC) Rhif 589/2008	Cofnodion a ffeiliau y cyfeirir atynt yn Erthyglau 7(2), 20, 21 a 22 o Reoliad y Comisiwn (EC) Rhif 589/2008 i'w cadw am o leiaf 12 mis o ddyddiad eu creu.
Erthygl 24(5)	Erthyglau 20, 21 a 22 o Reoliad y Comisiwn (EC) Rhif 589/2008	Cofnodion y cyfeirir atynt yn Erthyglau 20, 21 a 22 o Reoliad y Comisiwn (EC) Rhif 589/2008 i fod ar gael i'r gwasanaethau arolygu y tro cyntaf y gofynnir amdanynt.

Erthygl 30(2)	<p>Wiau a gaiff eu mewnforio o drydydd gwledydd i fod wedi eu marcio yn y darddwlad yn glir ac yn ddarllenadwy yn unol â'r cod gwlad ISO 3166.</p>
Erthygl 30(3)	<p>Pwynt IV(3) o Ran A o Atodiad XIV i'r Rheoliad Sengl CMO</p> <p>Marcio pecynnau'n cynnwys wiau a fewnforir o drydedd wlad os canfyddwyd nad yw'r rheolau a gymhwysir mewn perthynas â'r wiau hynny'n cynnig digon o warant bod y rheolau'n gyfwerth â deddfwriaeth Gymunedol.</p> <hr/>